

PROF. STRASSOLDO

Letare di Cescje

O domandi ae Patrie il plasê di meti sù cheste mê letare. Graziis. Mandi. Cescje.

"Cjare Patrie, ae vilie dal 3 di avrîl che o scrif cheste letare su chestis pagjinis che a ìn ospitade tal numar stât une altre mê lungje letare o vuei vuei manifestâ il displasê par vê tratât il prof. Raimont Strassolt, gno colegha tal Osservatori de lenghe e de culture furlanis, cun tante violence verbâl, e presentâi lis mês scusis. Lis sôs peraulis cuntri di me sul numar de Patrie di fevrâr, che mi atribuivin ideis su la cuistion de koinè e des variantis dal furlan che no ai mai vudis e che a son faladis, che a podevin fâ pensâ a une spacadure di posizions dentri tal Olf, mi ìn sburtât a protestâ cun fuarce cuntri Strassolt. Cun masse fuarce. Al è stât un at di orgoi ma ancje di pôre che si fuscâs la imagjin dal Olf su cheste delicate cuistion. O ripet che jo o ai su la cuistion de koinè e des variantis la posizion che e ven für clare dal pas dal document dal Olf che o ai ripuartât inte mê letare stâde, e che no mi pâr che e sei diferenete di chê di Strassolt. E o crôt che Strassolt nol sei stât just in ce che al à dit di me. Ma o ai falât tal dâ une rispueste cussì pesante, no ai dât un bon esempli e o soi colât ancje jo te vuate dal vizi nazionâl dai furlaniscj: fevelâsi mâl prin di dut. No ai vude la pazience di sostitui une letare di publicâ suntun sfuei cuntune domande di sclariment diret cun Strassolt, che o pensi che no me varès dineade. O soi determinât in ce che o crôt, o pensi di vê ancje une buñne riserve di pazience parcè che o cjali a dilunc, ma cheste volte le vevi propri pierdude. Mandi e graziis. Adrian Cescje"

Al prof. Zuan Frau
Dean
Osservatori Regionâl de Lenghe e Culture Furlane
Udin

Cjâr Dean,

o ai let la letare di Cescje su la Patrie dal Friûl dal 3 di Març 2001. Nol è facil orientâsi te sô prose, ma mi pâr di vê capît che 1) nol à nissune stime de capacitat de mî persone di capî, 2) o soi di chei furlans che a àn mancance di determinazion, di ideis e di coraç, 3) no ai ce che al covente pes responsabilitâts istituzionâls che o ài, 4) lis mês critichis a risultin de freudiane sperance di incressi le mî inomine semenant dubis su chê di chei altris, 5) no soi un om che al vâl la pene di pierdisi cun lui, 6) o soi fals, 7) o doi intric e o sabori par piçule maluserie, 8) dome jo (pe me stupiditat?) o podevi ecuivocâ su afermazions di Cescje che ducj a àn capît, 9) o soi un dai solits cuatri malintindûts, 10) mi inventi i aversaris, 11) come dut il mont academic furlan, o ai pôre e aversion pe peraule *ingegnerie lenghistiche*; parcè che salacôr no sai ce che e je, e dal sigûr no le cognossevi prime di imparâle di Cescje.

No mi soi maraveât; a son agns che Cescje mi dîs chestis robis, e ancje cetantis di piêts. Ma fin cuant che restavin peraulis sberladis tal grim dal OLF, magari intun contest di discussion ferbinte, o ai acetât dut cristianamentri. Cumò vonde.

Cumò o viôt dome trê alternativis operativis:

- 1) tu tu convincis privatamenti Cescje a ritratà publicamentri i judicis ofensîfs su la mî persone, e a domandâmi scuse;
- 2) tu, tant che Dean dal Olf, tu cjapis publicamentri distance di chêz afermazions, tu lis condanis e tu esprimis la tô solidarietât e fiducie in me;
- 3) jo o cjapi at che l'Olf al condivît lis opinions di Cescje su la mî persone e o doi lis dimissions dal OLF.

Sul mert scientifc-culturâl-politic de letare di Cescje ti lassi a lis tôs riflessions.

Saluts di cûr.

Raimont

Udin, 12/3/2001

Cjâr Diretôr,

Lettora = Frau
Pascoli
Pittara

nol è facil orientâsi te prose di Adrian Cescje, ma mi pâr di vê capît che 1) nol à nissune stime de capacitat de mê persone di capî, 2) o soi di chei furlans che a ân mancjance di determinazion, di ideis e di coraç, 3) no ai ce che al covente pes responsabilitâts istituzionâls che o ai, 4) lis mês critichis a risultin de freudiane sperance di incressi la mê inomine semenant dubis su chê di chei altris, 5) no soi un om che al vâl la pene di pierdisi cun lui, 6) o soi fals, 7) o doi intric e o sabori par piçule maluserie, 8) dome jo (pe mê stupiditât?) o podevi ecuivocâ su afermazions di Cescje che ducj a ân capît, 9) o soi un dai solits cuatri malintindûts, 10) mi inventi i aversaris, 11) come dut il mont academic furlan, o ai pôre e aversion pe peraule *ingegnerie lenghistiche*; parcè che salacôr no sai ce che e je, e dal sigûr no le cognossevi prime di imparâle di Cescje.

Se chestis a son lis opinions di Cescje su la mê persone (o pues anche pandi che di cuatri agns in ca, tal grim dal OLF, mi 'nd à ditis tantis voltis anche cetantis di piê), o scugnarai finalmentri tirâ cualchi conclusion operative.

Sui contignûts di merit de letare di Cescje, in rispueste ai miei resonaments de letare precedente, o lassi ai letôrs di judicâ. A me mi pâr che a confermin dutis lis mês preocupazions.

Mandi

(Raimont di Strassolt)

Udin, 12.3.2001